

Adroddiad i'r	Pwyllgor Craffu Partneriaethau
Dyddiad y Cyfarfod	18 Mai 2023
Pennaeth Gwasanaeth	Lisa Jones, Pennaeth dros dro Gwasanaethau Cyfreithiol a Democrataidd
Awdur yr Adroddiad	Rhian Evans - Cydlynnydd Craffu
Teitl	Adolygu Penderfyniad y Cabinet yn ymwneud â'r Ceisiadau ar y Rhestr Fer ar gyfer y Gronfa Ffyniant Gyffredin

1. Am beth mae'r adroddiad yn sôn?

- 1.1. Adolygiad o dan drefn 'galw i mewn' Craffu'r Cyngor o benderfyniad a wnaed gan y Cabinet, ar 25^{ain} Ebrill 2023, ynghylch 'Ceisiadau ar y Rhestr Fer ar gyfer y Gronfa Ffyniant Gyffredin'.

2. Beth yw'r rheswm dros lunio'r adroddiad hwn?

- 2.1. Cyflwynwyd rhybudd o 'alw i mewn' gan 5 cynghorydd nad ydynt yn aelodau o'r Cabinet yn unol â Chyfansoddiad y Cyngor. Mae'r rhybudd (ynghlwm yn Atodiad A) yn galw am adolygiad gan un o Bwyllgorau Craffu'r Cyngor o benderfyniad a wnaed gan y Cabinet ar 25^{ain} Ebrill 2023, ynglŷn â'r 'Ceisiadau ar y Rhestr Fer ar gyfer y Gronfa Ffyniant Gyffredin'.

3. Beth yw'r Argymhellion?

Fod y Pwyllgor:

- 3.1. wedi ystyried y wybodaeth yn yr adroddiad hwn a'i atodiadau, ynghyd â sylwadau a wnaed yn ystod y drafodaeth, yn penderfynu os dylid cyfeirio'r penderfyniad yn ymwneud â'r "Ceisiadau ar y Rhestr Fer ar gyfer y Gronfa

Ffyniant Gyffredin', a wnaed ar 25^{ain} Ebrill 2023, yn ôl i'r Cabinet ar gyfer ystyriaeth bellach; ac

- 3.2 os yn gofyn i'r Cabinet ailystyried ei benderfyniad gwreiddiol, yn nodi'r rhesymau dros ofyn am adolygiad a llunio argymhellion yr hoffai i'r Cabinet eu hystyried

4. Manylion yr adroddiad

- 4.1. Ar 25^{ain} Ebrill 2023, bu i'r Cabinet ystyried adroddiad yn ymwenedd â'r 'Ceisiadau ar y Rhestr Fer ar gyfer y Gronfa Ffyniant Gyffredin' (copi ynghlwm yn Atodiad B). *Mae'r atodiadau i Atodiad B wedi ei eithrio rhag eu cyhoeddi yn unol â Pharagraff 14, Rhan 4 o Atodlen 12A o Ddeddf Llywodraeth Leol 1972.*
- 4.2 Ar ddiwedd y drafodaeth penderfynodd y Cabinet ei fod yn:
- (a) *cadarnhau eu bod wedi deall y broses ymgeisio a llunio rhestr fer ac yn cymeradwyo bod y gweithdrefnau hynny'n deg ac agored.*
 - (b) *cytuno i ariannu'r prosiectau a roddwyd ar y rhestr fer gan y Grŵp Partneriaeth Craidd (Atodiad C yr adroddiad) a*
 - (c) *rhoi pwerau dirprwyol i'r Arweinydd i wneud penderfyniadau dilynol, mewn ymgynghoriad â'r Aelod Arweiniol Polisi, Cydraddoldeb a Strategaeth Gorfforaethol a Chyfarwyddwr Corfforaethol yr Amgylchedd a'r Economi. Efallai y bydd angen y penderfyniadau hynny pe bai'r amgylchiadau a nodwyd ym mharagraffau 4.9, 4.10 a 4.11 yr adroddiad yn digwydd.*
- 4.3 Mae trefn galw i mewn y Cyngor yn diffinio proses i Graffu ddefnyddio ei bwerau statudol i adolygu neu graffu penderfyniadau gweithredol, ac i ofyn i'r sawl a wnaeth y penderfyniad i ailystyried penderfyniad a wnaed, cyn ei weithredu
- 4.4 Cyhoeddwyd penderfyniad y Cabinet ar 27^{ain} Ebrill 2023. Mae'r drefn 'galw i mewn' yn caniatáu i gynghorwyr nad ydynt yn aelodau o'r Cabinet i gael 5 diwrnod i gyflwyno rhybudd o 'alw i mewn'. Bu i'r Cynghorydd Huw Hilditch-Roberts gyflwyno rhybudd o 'alw i mewn' yn electronig ar 28^{ain} Ebrill 2023. Cefnogwyd y cais hwn o fewn y terfyn amser a ganiateir (trwy negeseuon e-bost unigol) gan bedwar cynghorydd arall nad ydynt aelodau o'r Cabinet, sef y Cynghorwyr Pauline Edwards, Merfyn Parry, Hugh Hesketh Evans a Mark Young.

4.5 Mae'r rheswm a nodwyd dros 'alw'r penderfyniad i mewn' fel a ganlyn:

"Mae dyraniad o 25.6 miliwn wedi'i wneud i Sir Ddinbych drwy Gronfa Ffyniant y DU. Rhaid cadw at broses agored a thryloyw ar gyfer dyrannu'r cronfeydd hynny.

Diffyg dealltwriaeth o'r broses ymgeisio a llunio rhestr fer. Nid oes tystiolaeth o fatrics sgorio a chafodd ei ddisgrifio fel "Celf, nid gwyddor". Dim digon o dystiolaeth ar sut mae prosiectau wedi cael eu dyfarnu a'u cymeradwyo. Diffyg tystiolaeth yn alinio'r broses â chanllawiau llywodraeth y DU. Dim tystiolaeth o hawl i apelio ar gyfer ymgeiswyr na chasglu gwybodaeth ychwanegol i gefnogi'r ceisiadau. Diffyg ymgynghori gyda'r holl aelodau yn y broses."

4.6 Mae trefn 'galw i mewn' y Cyngor yn nodi y dylid cynnal cyfarfod arbennig o bwyllgor craffu o fewn 5 diwrnod o dderbyn y Rhybudd o Alw Penderfyniadau i Mewn oni bai bod gan bwyllgor craffu gyfarfod wedi ei drefnu o fewn y cyfnod hwnnw. Mae'r drefn hefyd yn nodi y gellir ymestyn y cyfnod hwn os yw'r sawl sy'n gwneud y penderfyniad a chadeirydd y pwyllgor craffu yn cytuno i estyniad. Er mwyn hwyluso darparu digon o wybodaeth gefndirol i alluogi'r Pwyllgor i adolygu'n fanwl sail penderfyniad y Cabinet, cytunwyd ar estyniad i'r amserlen. Felly dyma ei gyflwyno i'r Pwyllgor hwn yn y cyfarfod presennol.

4.7 Mae'r wybodaeth gefndirol y sonnir amdano uchod, ac sydd ynghlwm yn Atodiad C, yn cynnwys gwybodaeth am amserlen y Gronfa, digwyddiadau a dyddiadau allweddol, ynghyd â chopïau o'r e-byst a anfonwyd at gadeiryddion Grwpiau Aelodau Ardal y Cyngor ac aelodau Grŵp Partneriaeth Cronfa Ffyniant Gyffredin Cyngor Sir Ddinbych yn gofyn am eu cymorth i annog, cydlynu a darparu sylwadau ar y ceisiadau am arian y Gronfa Ffyniant.Gyffredin. Yn ogystal â'r uchod, roedd y canllawiau canlynol ar gael i bawb eu cyrchu ar wefan y Cyngor:

[Cronfa Ffyniant Gyffredin y DU](#) [Cyngor Sir Ddinbych](#)

[Cronfa Ffyniant Gyffredin y DU: Cam 1 – Sut i gyflwyno prosiect manwl](#)
[Cyngor Sir Ddinbych](#)

- 4.8 Ar ôl ystyried penderfyniad y Cabinet a'r holl sylwadau a wnaed yn y cyfarfod presennol, rhaid i'r Pwyllgor Craffu Partneriaethau benderfynu os dylid cyfeirio'r penderfyniad yn ôl i'r Cabinet ai peidio. Os penderfynir bod angen cyfeirio'r penderfyniad yn ôl i'r Cabinet bydd angen i'r Pwyllgor ddarparu ei resymau dros ei gyfeirio'n ôl, ynghyd â gwybodaeth glir ar beth sydd angen i'r Cabinet ei ystyried. Byddai'r Cabinet yn ystyried y cyfeirio a'r rhesymau a gyflwynwyd i gefnogi'r cyfeirio yn ei gyfarfod nesaf ar 23^{ain} Mai 2023. Yn y cyfarfod hwnnw disgwylir i'r Cabinet ddangos bod ystyriaeth briodol yn cael ei roi i argymhellion y Pwyllgor Craffu.
- 4.9 Bydd gan y Cabinet y dewis i newid neu ail-gadarnhau ei benderfyniad gwreiddiol.
- 4.10 Os yw'r Pwyllgor Craffu Partneriaethau yn penderfynu na ddylid cyfeirio penderfyniad y Cabinet yn ôl i'r Cabinet, yna gellir gweithredu'r penderfyniad gwreiddiol yn syth.

5. Sut mae'r penderfyniad yn cyfrannu at y Cynllun Corfforaethol 2022 i 2027: Y Sir Ddinbych a Garem?

- 5.1. Gweler Adran 5 adroddiad y Cabinet dyddiedig 25^{ain} Ebrill 2023 (Atodiad B).

6. Beth fydd y gost a sut y bydd yn effeithio ar wasanaethau eraill?

- 6.1. Gweler Adran 6 adroddiad y Cabinet dyddiedig 25^{ain} Ebrill 2023 (Atodiad B).

7. Beth yw prif gasgliadau'r Asesiad o Effaith ar Les?

- 7.1. Gweler Adran 7 adroddiad y Cabinet dyddiedig 25^{ain} Ebrill 2023 (Atodiad B).

8. Pa ymgynghoriadau a gynhaliwyd gyda Chraffu ac eraill?

- 8.1 Mae'r adroddiad hwn wedi'i baratoi o dan ddarpariaethau ac amserlenni Cyfansoddiad y Cyngor ar gyfer 'galw i mewn' penderfyniad Cabinet.

8.2 Mae manylion yr ymgynghoriad a gynhaliwyd cyn i'r Cabinet wneud ei benderfyniad i'w gweld yn Adran 8 o adroddiad y Cabinet dyddiedig 25 Ebrill 2023 (Atodiad B).

8.3 Mae manylion yr ohebiaeth a'r ymgynghori a gynhaliwyd gyda'r Grwpiau Aelodau Ardal a'r Grŵp Partneriaeth Cronfa Ffyniant Gyffredin Cyngor Sir Ddinbych i'w gweld yn Atodiad C i'r adroddiad hwn.

9. Datganiad y Prif Swyddog Cyllid

9.1. Gweler Adran 9 adroddiad y Cabinet dyddiedig 25^{ain} Ebrill 2023 (Atodiad B).

10. Pa risgiau sydd ac a oes unrhyw beth y gallwn ei wneud i'w lleihau?

10.1. Gweler Adran 10 adroddiad y Cabinet dyddiedig 25^{ain} Ebrill 2023 (Atodiad B).

11. Pŵer i wneud y Penderfyniad

11.1. Mae pwerau craffu mewn perthynas â'r mater hwn wedi'u nodi yn:

- Adran 21(2) a (3) o Ddeddf Llywodraeth Leol 2000; ac
- Adrannau 7.2.1 ac Adran 7.25 o Gyfansoddiad y Cyngor